



Broj: 04-05-1878 /17

Goražde, 08.11.2017. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“ broj: 34/03 i 65/13), a u vezi sa članom 21. Zakona o koncesijama Bosansko-podrinjskog kantona Goražde („Službene novine Bosansko-podrinjskog kantona Goražde”, broj:7/17) i Zaključka Vlade Bosansko-podrinjskog kantona Goražde broj: 03-05-1356/17 od 31.08.2017.godine Ministarstvo za privredu Bosansko-podrinjskog kantona Goražde raspisuje:

J A V N I O G L A S

za izbor i imenovanje Komisije za koncesije Bosansko-podrinjskog kantona Goražde

Objavljuje se Javni oglas za izbor i imenovanje Komisije za koncesije Bosansko-podrinjskog kantona Goražde i to:

- Predsjednik Komisije;
- Zamjenik predsjednika;
- Dva člana Komisije.

Komisija u svom sastavu broji pet članova i sastoji od: predsjednika, zamjenika predsjednika i tri člana, s tim da jednog člana imenuje gradonačelnik/općinski načelnik jedinice lokalne samouprave na čijem teritoriju se nalazi predmet koncesije.

Opis upražnjene pozicije:

Komisija za koncesije provodi javni poziv, po završetku javnog poziva za dodjelu koncesije, odnosno nadmetanja po pozivu vrši pregled dostavljenih ponuda, sastavlja zapisnik i izvještaj o rezultatima javnog poziva za dodjelu koncesije, odnosno nadmetanja po pozivu i dostavlja ga nadležnom Ministarstvu u roku od 45 dana od dana završetka konkursa, te obavlja druge poslove propisane Zakonom o koncesijama.

Predsjednik, zamjenik predsjednika i članovi Komisije biraju se na mandat od 4 godine.

Kandidati za predsjednika, zamjenika predsjednika i članove Komisije moraju ispunjavati sljedeće opće uslove:

- a. Da su državljani Bosne i Hercegovine;
- b. Da su stariji od 18 godina;
- c. Da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja upražnjene pozicije;
- d. Da kandidati nisu obuhvaćeni članom IX.1.Ustava Bosne i Hercegovine;
- e. Da nisu osuđivani za krivično djelo protiv imovine, privrede, ustavnog poretka i zloupotrebe službenog položaja i da se protiv kandidata ne vodi krivični postupak;
- f. Da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u institucijama vlasti Bosne i Hercegovine („Službene novine Federacije Bosne i Hercegovine”, broj:70/08);

- g. Da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine;
- h. Da ne smiju imati direktnih ili indirektnih interesa u predmetu dodjele koncesije koji bi mogao prouzrokovati sukob njegovih ličnih interesa i interesa u dodjeli koncesije.

Pored navedenih općih uslova, kandidati koji se imenuju za poziciju predsjednika i zamjenika predsjednika Komisije, moraju ispunjavati i posebne uslove:

- a. da su diplomirani pravnici ili da imaju završen prvi, drugi ili treći ciklus Bolonjskog sistema studiranja sa najmanje 240 ECTS studijskih bodova - pravne struke;
- b. da kandidati za predsjednika Komisije posjeduju najmanje 3 (tri) godine radnog iskustva u struci računajući od dana diplomiranja, odnosno kandidati za zamjenika predsjednika najmanje 1 (jednu) godinu radnog iskustva u struci računajući od dana diplomiranja;
- c. da posjeduju znanje iz oblasti koncesija.

Ostali članovi Komisije, pored općih uslova, treba da ispunjavaju i sljedeće posebne uslove:

- a. da imaju završenu visoku stručnu spremu, VSS, VII stepen odnosno da imaju završen prvi, drugi ili treći ciklus Bolonjskog sistema studiranja sa najmanje 180 ECTS studijskih bodova - i to iz oblasti prava, ekonomije, građenja, prostornog uređenja, mašinstva, elektroenergetike, rudarstva, geologije i poljoprivrede;
- b. da imaju najmanje 1 (jednu) godinu radnog iskustva u struci računajući od dana diplomiranja;
- c. da posjeduju znanje iz oblasti koncesija.

U Komisiju se ne mogu imenovati kandidati koji su:

- a. stariji od 65 godina na dan imenovanja;
- b. osuđivani za krivična djela i za privredne prijestupe nespojive sa dužnošću Komisije, pet godina od dana pravosnažnosti presude, uključujući i vrijeme zatvorske kazne;
- c. sudskom presudom ili drugom mjerom isključeni ili im je zabranjeno obavljanje aktivnosti u nadležnosti Komisije;
- d. u finansijskom ili privatnom interesu u Komisiji u koju se imenuje.

Uz prijavu za izbor i imenovanje kandidati su dužni priložiti slijedeću dokumentaciju (originalni dokumenti ili ovjerene kopije dokumenata):

- kraću biografiju, adresu i kontakt telefon,
- uvjerenje o državljanstvu (ne starije od 6 mjeseci),
- rodni list,
- ovjerena izjava kandidata da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja upražnjene pozicije,
- ovjerena izjava kandidata da se na njih ne odnosi član IX. 1. Ustava BiH,
- ovjerena izjava da nisu osuđivani za krivično djelo protiv imovine, privrede, ustavnog poretka i zloupotrebe službenog položaja,
- uvjerenje nadležnog suda (Općinski sud) da se protiv kandidata ne vodi krivični postupak (ne starije od 3 mjeseca),
- ovjerena izjava da nije u sukobu interesa u smislu Zakona o sukobu interesa u organima vlasti F BiH
- ovjerena izjava da nije na funkciji u političkoj stranci,
- ovjerena izjava da nije u privatnom ili finansijskom interesu u Komisiji,

- dokaz o stručnoj spremi,
- dokaz o radnom iskustvu.

Kandidati koji budu ušli u uži izbor, biće pozvani na intervju. Podnosioci prijava koji ne budu pozvani na intervju će dobiti pisane odbijenice. Komisija će za svoj rad imati naknadu koja će biti određena odlukom nadležnog organa.

U prijavi je potrebno naznačiti za koju se poziciju kandidat prijavljuje, da li za poziciju predsjednika, zamjenika ili za poziciju člana Komisije.

Oglas će biti objavljen u „Službenim novinama Federacije BiH“, na web stranici Vlade Bosansko - podrinjskog Kantona Goražde i jednom dnevnom listu velikog tiraža.

Oglas ostaje otvoren 15 dana od dana posljednjeg javnog objavljivanja u Službenim novinama ili jednom dnevnom listu velikog tiraža.

Prijave sa traženom dokumentacijom je potrebno dostaviti lično ili preporučeno putem pošte na adresu Ministarstvo za privredu Bosansko - podrinjskog kantona Goražde, ul. Maršala Tita br.13, Goražde sa naznakom „Prijava na Javni oglas za izbor i imenovanje Komisije za koncesije Bosansko- podrinjskog kantona Goražde - ne otvaraj“.

Nepotpune i neblagovremene prijave neće se uzeti u razmatranje.

DOSTAVLJENO:

1. Oglasna ploča
2. Evidenciji i
3. a/a.

M I N I S T A R

Anes Salman